



Allakkat kimukarneri:

Inatsisartuni ilaasortaq, Kim Kielsen
/-TAKANNA

Air Iceland-imut isumaqatigiissutit pillugit § 37 naapertorlugu apeqqutinut akissu- tit

Inatsisartuni ilaasortaq Kim Kielsen, § 37 naapertorlugu apeqqutinik nassitsisimavoq.
Apeqqutit taakkua kinguliini akineqarput.

Naalakkersuisunut apeqqutit:

1. Aningaasaqarnermut Naalakkersuisup Air Iceland-imut isumaqatigiissut pillugu oqaaseqarpoq EU-mit tapiissutit eqqarsaatigalugit isumaqatigiissutaasoq, taava Aningaasaqarnermut Naalakkersuisup uppersarsinnaavaa suliarinnittussarsiuus-sisoqarnikuusoq malittarisassat atuuttut naapertorlugit, soorlu EU-mit taanna piu-masaqaataasoq?
 - a. Taamaattoqarsimanngippat, sooruna piumasqaatit malinneqarsimanngittut?
 - b. Taamaaliortoqarsimappat, suliarinnittussarsiuussinermut tunngavissiat akissu-teqaammut ilanngunneqarnissaat qinnutigaara.

Akissut: Naalakkersuisut piumasqaatit EU-mut suleqatigiinnissamut isumaqatigiissummiittut malippaat.

Kalaallit Nunaata aningaasaqarnera qaangerniagassartaqarpoq. Aningaasanut inatsisit kingullit Namminersorlutik Oqartussani allaffissornikkut ileqqaartoqarnissaanik piumasqaatit kingunerisimavaat. Allaffissornikkut ileqqaarnissat eqqortinneqarnissaat qulakkeersinnaajumallugu Namminersorlutik Oqartussat allaffissornikkut suliaasaqarfiit arlallit katersortissimavaat taamatuttaaq qitiusumik pisiniartarfik pilersissimallugu. Pisiniartarfeqalernikkut qulakkeerneqassaaq Namminersorlutik Oqartussat sukkulluunniit nioqqutissanik sullissinernillu Namminersorlutik Oqartussat pisariaqartitaannik akigissaartitsinerpaaffissamik angusaqartarnissaat.

Pissusiviusutigut tamanna isumaqarpoq Namminersorlutik Oqartussat nioqqutissanik sullissinernillu neqeroorutigineqartunik akikinnerpaanik tuniniaasoq toqqarlugu pisiumasarnissaat imaluunniit nioqqutissanik sullissinernillu pinisissamik pisiniartarfigisartakkanik tunngaviusumik isumaqatigiissuteqarlutik. Namminersorlutik Oqartussat tuniniaanermik tunngaviusumilluunniit isumaqatigiissutinik toqqaanissaannut sullissinerup qanoq ittuunera apeqquataasassaaq.

Qitiusumik pisiniartarfeqalernerup aningaasaqarnermut tunngatillugu isumatusaarnerunerata saniatigut Namminersorlutik Oqartussat aammattaaq EU-mut isumaqatigiissutimikkut pisussaapput pisiniartarnermut tunngassuteqartuni aalajangersimasunik tunaartarisqaqarnissaminut. Imaanngilaq Kalaallit Nunaata EU-mi

09. mar 2011
Sagsnr. 2011-047358
Dok. Nr. 582111

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nаноq.gl
www.nаноq.gl

tuniniaanermut malittarisassat atugarilissagai. Taarsiullugu Namminersorlutik oqartussat pisiniartarnermut kaajallaasitaliorput ileqqaarsinnaajumallutik pisiniartarumallutillu unammilleqatigiinnermut tunngatillugu pitsaanerpaanik atugassaqsinnaajumallutik. Tamanna EU-mut nalunaarutigineqareerpoq.

Tamakku tunngavigalugit Namminersorlutik Oqartussat pisiniartarfiat Air Greenlandimik aamma Islandimi timmisartortitseqatigiiffinnik oqaloqateqarsimavoq.

Aallaaviuvoq timmisartortitseqatigiiffinnut tunngaviusumik isumaqatigiissuteqarnissaq. Naliliisoqarpoq tuniniaaneq ima kinguneqassappat timmisartortitseqatigiiffimmik ataasiinnarmik angalasarnernut tamanut atuiffiusoq siunertamut naleqquttuunngitsoq. Arlaatigut eqaallisaasoqarnissaanik pisariaqartitsisoqarpoq taamaalillutik Namminersorlutik Oqartussat sumunnarfik apeqqutaatillugu Air Greenlandimik imaluunniit Islandimi timmisartortitseqatigiiffinnik toqqaasinnaasassammata. Reykjavikkiliassagaanni isumaqanngilaq aatsaat Air Greenlandimut ilaalluni Københavniliaqqaartarnissaq Kalaallit Nunaanniit Reykjavikkimut toqqaannartumik ingerlaarfissaqarpat.

Timmisartortitseqatigiiffinnik oqaloqateqartarnerit amerlasuunik pisisartulinnut akikillisaatinut billetinillu aappalaartunik taaneqartartuni killilersuinerit eqaanerulersinneqarnissaannut tunngapput.

Air Greenlandimik oqaloqateqartarnerit angusaqarfiunngillat. Tamakkuli Air Greenlandip sulissuteqarneratigut ingerlaqqilerput. Islandimi timmisartortitseqatigiiffinnik oqaloqateqartarnerit Namminersorlutik Oqartussanut paarlattunik pitsaanerusunik atugassaqartitsiffilerput. Taamaalillutik Namminersorlutik Oqartussat Islandimi timmisartortitseqatigiiffinnut ilaalluni angalasoqartillugu aningaasartuutitik annikillissinnaanngorpaat.

2. Aningaasaqarnermut Naalakkersuisup suliarinnittussarsiuussilluni pisineq pappiaqqanik pisinermit assersuuppaa, Naalakkersuisut allalluunniit inuiaqatigiinnut aningaasatigut kingunissaannik misissuisimanerlutik - immaqaluunniit Air Greenland-imut paasiniaasimanerluni isumaqatigiissutip kingunissai pillugit?

- a. **Taamaaliorsimanngikkuni, suna peqqutaava?**
- b. **Taamaaliortoqarsimappat inuiaqatigiinnut kingunissaannik misissuisimanerit takussutissartaat ilanngunneqarnissaat kissaatigaara**

Akissut: Pisisarnissamik isumaqatigiissutip inuiaqatigiit aningaasaqarnerannut sunniutissai naatsorsorneqanngillat. Tamatumunnga tunngavilersuutigineqarpoq pisisarnissamik isumaqatigiissutip taanaannaalluni inuiaqatigiit aningaasaqarnerannut killilimmik sunniuteqarnissaa. Ilisimatitsissutitut 2011-mi januaarimi februaarimilu kisitsisitigut takussutissiaagallartut takutippaat Nuummiit Reykjavikkimut ilaasut tallimat Reykjavikkimiillu Nuummut ilaasut arfineq marluk Namminersorlutik Oqartussat Air Icelandimut isumaqatigiissutaannik atuisimasut. Ilaasut tamarmiusut ingerlaarfimmik tassannga atuisimasut amerlanerusimasinnaapput, kisitsisinummi angalasut akikillisaatit atornissaannik ilisarnaatinik atuisut kisimik ilaammata.

Air Greenlandip unammillerteqalenera ingerlatseqatigiiffiup allallu inuiaqatigiit aningaasaqarnerannut ajortumik kinguneqartussaaneragaat pisisarnissamik isumaqatigiissutip taamaallaat sunniutigissanngilaa. Unammilleqatigiinneq tamatumuunalu inuiaqatigiit aningaasaqarnerannut sunniutaasussat Kalaallit Nunaata silaannartaani ukiuni kingullerni qasukkaasoqarsimanerata kingunerai. Taamatut qasukkaanermut assersuutissaavoq Reykjavikkimiit Nuummur ingerlaarfimmi Air Icelandip timmisartuussinissamut akuerineqarnera. Ingerlaarfeqarnissamut akuersissut taanna Statens Luffartsvæsenimit 2007-imi tunniunneqarpoq Naalackersuisut Siumumit siuttoqartut inassuteqarnerisigut. 2009-mi Statens Luffartsvæsen Air Icelandimut ingerlaarfimmi Reykjavikkimiit Ilulissanut timmisartuussinissanut akuersissuteqarportaaq aammaarluni Naalackersuisut Siumumit siuttoqartut inassuteqarnerisigut.

Naalackersuisut naliliippat (taamanikkut Naalackersuisut Siumumit siuttoqartut isumaat naapertorlugu) ingerlatseqatigiiffiit allat Air Icelandiunngitsut Kalaallit Nunaanni timmisartuussisinnaasariaqartut taamaaliornikkut Islandimut Amerikamullu avannarlermut ingerlaarfiit ammarneqarsinnaammata.

Siullermik taamaaliornikkut isumannaarneqarpoq Kalaallit Nunaata nunallu allat akornanni assartuinissamut periarfissat pitsaanerulererat. Kalaallit Nunaata Københavnimut tassanngaannillu ataasiinnarmik assartuiffeqarneq iluaqtiginngilaa. Kalaallit Nunaata pisariaqartippaattaaq nunanut sanilitsinnut Amerikamut avannarlermut Islandimullu akikitsumik sukkasuumillu assartuisoqarnissaa. Tamanna takornariaqarnermi, aatsitassanik piaanermi alumiiniumillu aatsitsiveqalersinnaanermi pisariaqartinneqartumik inuussutissarsiutinik siuarsaanissamut tapersersuineruvoq pisariaqartitaallunilu.

Aappaattut Kalaallit Nunaata Islandillu akornanni ingerlaarfiit nutaat Air Greenlandimi ilaannikkooriarluni inissaaleqisarnernik eqaatsumik aaqqiissuteqarnissamut iluaqutaassapput. Ullormi aalajangersimasumi inissaqartoqartinnagu Air Greenlandip ajornartorsiutigisarpaa allat atorlugit timmisartuussinissani. Maannakkut periarfissaqalerpoq immaqqa angalasoqarsinnaasalissasoq pilersaarutigineqartutut timmisartuussisartut allat atorlugit. Tamatuma kingunerissavaa angalasut Air Greenlandimi ilaasunut inissaaleqisoqartillugu akunnittarfinnut pisariaqanngitsumik aningaasartuutigisartakkaminnik sipaarsinnaalernerat.

Pingajuattut Air Greenlandip atortulersuuteqarnikkut unammilligassat immikkut illuinnartut atugarisai aammattaaq ingerlaavartumik nalilersortassallugit pisariaqarpoq. Kalaallit Nunaat amerlaqisutigut silaannakkut angallassivigissallugu unamminartoqarpoq. Nunarujussuuvoq inumininnguulu illoqarfinnut nunaqarfippassuarnullu siammarsimallutik. Tamakku tunngavigalugit eqqarsaatigiuminaappoq Kalaallit Nunaanni tamakkiisumik killilersugaanngitsumillu silaannakkut angallassinerup unammillerfiulernissaa. Tunitsivissat killeqarput pissutsillu kisermaassinermut assingusut pisariaqartitaallutik ajortutut oqaatigisariaqarlutik.

Taamaammat ingerlaarfinni niuorneq tunngavigalugu unammillerfigissallugit soqtiginaatilinni unammillertoqarsinnaanera akuerissagaanni silatusaarnerussaaq. Tamannalu ajortunik ajunngitsunillu kinguneqartarpoq. Kisianni unammilleqatigiinnerup kingunerisaanik ajortut sunniutaasussat uippalliutigineranni takunngitsoortariaqanngillat pitsaasumik sunniutaallutik takkuttussat.

Air Greenlandip unammilligaanermi kingunerisaanik aningaasartuutigisartakkani naleqqussalereerpai. Ingerlatseqatigiiffik pisariillisaasimavoq. Ingerlatseqatigiiffiup sulisumi aningaasarsiaasa allanngoriartornerat naleqqussalerpaa. Ingerlatseqatigiiffik timmisartunik aningaasartuutikinnarnerusunik pisisimavoq aammalumi Kalaallit Nunaata Islandillu akornanni timmisartuussinerni Air Icelandimut toqqaannartumik unammilliersimalluni. Tamakkuuku sunniuttut tamarmiullutik kalaallinut inuiaqatigiinnut iluaqutaasussat.

Air Greenland tamakku saniatigut ukiuni arlaqalersuni kingullermillu Namminersorlutik Oqartussat pisiniartarnermut isumaqatigiissuteqarneranni nalunaaruteqarpoq unammilleqatigiinnerulernerup kingunerissagaa ingerlatseqatigiiffiup akinik ingerlaarfinnilu ilasoqarfiunngingajattartuni timmisartuussisarnerit akuttussusiinik nalilersuina. Allatut oqaatigalugu Air Greenlandip ingerlaarfinnit ilasoqarfiulluartartuniit ingerlaarfinnut ilasoqarfiortiartanngitsunut nammineerluni kaputartuuttumik tapiissuteqartarnini qimanniarnialerpaa.

Naalackersuisut kaputartuuttumik tapiissuteqartarnerup peerniarneqarnerat ajortumik inuiaqatigiit aningaasaqarnerannut sunniuteqartussatut paasingilaat. Paarlattuanik ingerlaarfinni ilasoqarfiulluartartuni akit appariassapput Kalaallit Nunaanni inuussutissarsiutinik ineriartortitsinermut iluaqutaasumik ingerlaarfinnilu ilasoqarfiortiartanngitsuni akit akuttussutsillu akuerineqarsinnaajunnaarpata naalackersuinikkut periarfissaqarpoq ingerlaarfiit tamakku pillugit Air Greenland sullissinissamik isumaqatigiissuteqarfigissallugu.

Taamaammat Naalackersuisut naliliipput angallannermik naalackersuinikkut ingerlatsineq maani nunatsinni naalackersuinemik suliaqartunit suliarineqartassappat aalajangiivigineqartarlunilu angalatitseqatigiiffinnit ataasiakkaannit pinnani. Angalatitseqatigiiffiit atugassatigut tunngavissat naalackersuinemik suliaqartut aalajangigaat ataqqisariaqarpaat. Naalackersuisut inerniliipputtaaq pisiniartarnissamik isumaqatigiissutip inuiaqatigiit aningaasaqarnerannut sunniutissaat taakkuinnaatillugit isigalugit annertunaviangitsut.

3. Naalackersuisut qanoq iliuseqarniarpat Air Greenland-ip timmisartuussiviit unam-milleqatigiiffiunngittut ukiuunerani siunissamilumi unitsissagunigit?

Akissut: Naalackersuisut Air Greenlandip ingerlaarfinnik iluanaaruteqariusanngitsunik Air Icelandimut pisisarnissamik isumaqatigiissutip malitsigisaanik timmisartuussisarnerminik unitsitsilersaarnernut paasissutissanik pigisaqanngillat. Air Greenland tamanut nalunaaruteqarnikuuvoq Air Icelandimiit unammillerneqarnerulernerum kingunerisai nalliivigissallugit, tamatumalu kingunerisinnaalluaraa Air Greenlandip ingerlaarfiini ilasoqarfiortiartanngitsuni akit qaffanneqarnerat akuttunerusunillu timmisartuussisalerneq. Air Greenland nalunaaruteqanngilaq ingerlaarfinni iluanaaruteqarfiusanngitsuni timmisartuussisarnerminik unitsitsiniarluni.

4. Naalackersuisut tamakkiisumik sipaarutaasussat pillugit takusassiornikuuppat, tassunga ilanngullugit angalanerup siviissusaa,

akileraarutit akitsuutillu Mittarfeqarfiup karsianut isinngitsoortussat, ullormusiassat il.il.?

Akissut: Naalackersuisut Islandimi timmisartortitseqatigiiffinnut isumaqatigiissutit kingunerisaannik ileqqaarutigineqartussat ataatsimut takussutissartaannik suliaqanngillat.

Mittarfeqarfiit isertitakinnerulersinnaanerat eqqarsaatigalugu Naalackersuisut Mittarfeqarfiillu suleqatigiipput ingerlatseqatigiiffiup aaqqissuussaanaera ingerlatsineralu allanngortissinnaajumallugit. Tamakku saniatigut isertitamikkut tunngaviisa ilusiligaanerat allanngortinniarlugu sulissutigineqarpoq. Taamatut sulissuteqarnikkut isumannaarneqassaaq Mittarfeqarfiit suli sakkortunerusumik unammilleqatigiinnermut attassisinnaanissaat. Sulissutigineqartunut Islandimi ingerlatseqatigiiffinnut isumaqatigiissutit nutaat pissutaanngillat qasukkaaniarlunili ingerlaatsip nalinginnaasumik tamakku malitsigiinnarlugit.

5. Naalackersuisut paasissutissanik allanik pisumut qaammarsaataasinnaasunik tigu-mmiaqarpat?

Akissut: Naamik.

Inussiarnersumik inuulluaqqusillunga
Med venlig hilsen

Palle Christiansen